

SUDSKA KRONIKA: SLUCAJ MILOSEVIC

Author: IWPR
ICTY

Pise: Judith Armatta iz Haga (TU 302, 24-28 februar 2003)

Okrun je bio izaslanik glavnog tajnika, a Milosevica je posjecivao zajedno sa Sajrusom Vensom (Cyrus Vance), izaslanikom vlade Sjedinjenih Drzava koji je u medjuvremenu umro.

On je sudu potvrdio da se s Milosevicem susreo mnogo puta u vrijeme najvećih napora usmjerenih ka postizanju mirovnih dogovora, kako za Bosnu, tako i za Hrvatsku. Takodjer, rekao je kako je bilo sasvim jasno da je beogradski vodja, uprkos tome sto nije bio ni u kakvoj formalnoj vezi s jedinicama koje su se borile na ratistima, bio njihov stvarni zapovjednik. "Sasvim je izvjesno da je svima njima bio nadredjen upravo on", izjavio je Okrun pred sudom.

Dodao je da jos uvijek cuva biljeske s nekih sastanaka. Rijec je o ukupno 16 rokovnika koji pokrivaju razdoblje od oktobra/listopada 1991. do maja/svibnja 1993., i koji su podnijeti kao dokaz.

Na jednom od sastanaka, Vens je Milosevicu rekao kako je dosao u posjed obavjestajnih podataka na osnovu kojih je postalo jasno da jedan od kljucnih beogradskih gospodara rata, Arkan, djeluje i u Bosni. "Pa, ne mozemo provjeriti bas svakog Srbina", odgovorio je tom prilikom Milosevic.

Dokazi da je Milosevic imao kontrolu nad Srbima u Hrvatskoj pojavili su se na jednom od sastanaka odrzanih tokom 1991. Tom prilikom je Milosevic - po Okrunovim rijecima - izjavio da je u stanju utjecati na politiku jednog od predvodnika srpske manjine, Milana Martica.

Kasnije je, nakon usvajanja Zenevskog sporazuma, u Hrvatskoj nastupio mir. A sporazum s beogradske strane nije potpisao jugoslavenski predsjednik - koji je, teorijski, bio nadlezan za takvo nesto - nego sam Milosevic, kao tadasnji predsjednik Srbije.

Nedugo potom, ambasador je rat vidio i izbliza: on je pred sudom govorio o tome kako se, zbog vijesti o zlocinima koje su Srbi pocinili u Vukovaru, zajedno s Vensom pokusao probiti do tog grada.

U tome ga je sprijecio tadasnji srpski major Veselin Sljivancanin, koji je potegao pusku i odbio ga propustiti. Okrun je pred sudom izjavio da je uprkos tome i osobno prisustvovao "mnogim potresnim prizorima, jer su civili plakali", te da je u sastavu srpskih jedinica zapazio "veliki broj grubih momaka" koji su ostavljali dojam "nadolazece opasnosti".

Nakon toga je s Vensom otisao kod Milosevica i rekao mu za zlocine koje su pocinile srpske paravojne grupe. "Bilo mi je jasno da je on vec u tom trenutku znao sto se dogadja", posvjedocio je Okrun. "Ne mogu zamisliti da nije. Samo se pretvarao da je iznenadjen."

Tuzitelji se nadaju da ce na ovaj nacin pokazati da je Milosevic, iako je u to vrijeme obavljao funkciju predsjednika Srbije, zapravo bio stvarni zapovjednik srpskih snaga i u Hrvatskoj, i u Bosni. Okrunovo svjedocenje se nastavlja.

Judith Armata izvjestava o Tribunalu pred Koalicijom za medjunarodnu pravdu, www.cij.org

Focus: International Criminal Tribunal for the former Yugoslavia

Source URL: <https://iwpr.net/sr/global-voices/sudska-kronika-slucaj-milosevic-24>